

ТИНЧЛИК ВА БАРҚАРОРЛИК САРИ МУҲИМ ҚАДАМ

ҚОЗОҒИСТОН ЮҚОРИ ДАРАЖАДА
БОЙИТИЛГАН УРАННИ
КАМАЙТИРИШ ТЎҒРИСИДАГИ
БАЁНОТНИ ИМЗОЛАДИ

МАГАТЭ Бош конференциясининг 64-сессияси доирасида Қозоғистон Республикаси Энергетика вазирлиги ва Америка Қўшма Штатлари Энергетика вазирлигининг Ядро хавфсизлиги миллий бошқармаси томонидан юқори даражада бойитилган уранни камайтириш тўғрисида Қўшма баёнот имзоланди.

Мақсад – юқори даражада бойитилган уранни йўқ қилиш ва ядро материалларини тарқатмасликдир. Лойиҳалар АҚШ ташкилотлари билан ҳамкорликда амалга оширилмоқда, улар ушбу мураккаб вазифани бажариш учун Қозоғистон ташкилотларининг илмий-техник салоҳияти ва ваколатларининг юксаклигини таъкидламоқда. Томонлар бу билан юқори даражада бойитилган уранни камайтириш, ядро хавфсизлигини таъминлаш ва ядро қуролини тарқатмаслик тартибини мустаҳкамлаш бўйича умумий мақсадларни қўллаб-қувватлаш борасида биргаликдаги ҳаракатларни давом эттиришни кўзламоқдалар.

ҚозАхборот.

ЕР ОСТИ
БОЙЛИКЛАРИ
ЭГАСИЗ ЭМАС!

2

ҚОРАБУЛОҚДА
ПРАЙМЕРИЗ
ИШТИРОКЧИЛАРИ
БАҲСИ ЎТДИ

3

ОҚ БЎЛМАСА
БЎЛМАСИН,
ПОК БЎЛСИН

6

Вилоят ижтимоий-сиёсий газетаси



Жанубий Қозоғистон

1991 йил 5 апрелдан чиқа бошлаган
Чешанба, пайшанба ва шанба кунлари чиқади

2020 йил 24 сентябрь, пайшанба. №85 (2860).

ТИНЧЛИК – ОЛИЙ НЕЪМАТ



ҚР ПРЕЗИДЕНТИ БМТ БОШ АССАМБЛЕЯСИНИНГ УМУМИЙ БАҲСЛАРИДА НУТҚ СЎЗЛАДИ

Давлат раҳбари Қасим-Жўмарт Тўқаев БМТ Бош ассамблеяси 75-сессиясининг умумий сиёсий баҳсларида иштирок этди.

Президент бугунги дунёнинг долзарб муаммолари ва қийинчиликлар, шу жумладан, коронавирус пандемиясига қарши кураш, дунёвий иқтисодиётни тиклаш, ядро қуролидан воз кечиш ҳамда иқлим ўзгаришини ҳал қилиш масалаларига тўхталди.

Қасим-Жўмарт Тўқаев, шунингдек,

ҳалқаро ҳамкорлик ва ўзаро ишончни мустаҳкамлашда БМТнинг ролини кучайтиришга эътибор қаратди. Бундан ташқари, ҚР Президенти 2030 йилгача барқарор ривожланиш кун тартибини амалга ошириш, «яшил иқтисодиёт»ни ривожлантириш ва Марказий Осиёда минтақавий саъй-ҳаракатларни

жонлантириш масалаларига эътибор қаратди.

Шунингдек, у мамлакатнинг ички сиёсатида оид масалаларни ҳам тилга олиб ўтди, шу жумладан, «Халқ дардини тинглайдиган давлат» концепциясини амалга оширишга тўхталди. Давлат раҳбари қатор халқаро ташаббусларни ҳам тилга олди.

ҚозАхборот.

Республика бюджети ҳисобидан харид қилинган компьютер ускуналари туркистонлик ўқувчиларга тарқатилмоқда. Режаланган 7 711та планшетнинг ярмидан кўпи минтақага етказилиб, 3 682таси тарқатилди.

МАСОФАВИЙ ТАЪЛИМ ДАСТУРИ ЭЪТИБОРДА

Вилоят инсон салоҳиятини ривожлантириш бошқармасининг маълум қилишича, техниканинг қолган қисми яқин кунларда етказилади. Уларнинг барчаси қайтариб бериш шарти билан масофадан ўқийдиган болаларга улашилади.

Туркистон вилоятида масофадан билим олувчи 456 555 ўқувчининг 85 595 нафарига компьютер йўқ экани аниқланган, бу – 18,7 фоизни ташкил этади.

Ўқув йили бошлангандан буён муҳтож оилаларга мактабдан 24 371та компьютер вақтинча фойдаланишга берилди, маҳаллий бюджет ҳисобидан 1 288 дона компьютер харид қилинди.

Шунингдек, «Мактабга йўл» акцияси доирасида ҳомийлар ҳисобидан 1 696та компьютер берилса, ҚР Ҳукумати захирасидан 4000та планшет кам таъминланган оилалар болаларига тарқатилди.

Шунингдек, компьютер билан таъминланмаган 54 294 ўқувчи масаласини ҳал қилиш учун 30 сентябрга қадар маҳаллий бюджет ҳисобидан 700та ноутбук харид қилиш режаланмоқда. Таъкидлаш жоиз, Қозоғистон Ҳукуматининг захира маблағидан 25 сентябрга қадар 5000та ноутбук, 30 сентябргача 3711та планшет, 5952та компьютер 25 октябргача 1000та ноутбук, 30 октябргача 2 852та ноутбук харид қилиш кутилмоқда.

Вилоят ҳокимининг
матбуот хизмати.

БАЙДИБЕКДА ИССИҚХОНА МАЖМУАСИ ОЧИЛАДИ

Туманда йилига 800 тонна маҳсулот етиштириш қувватига эга «Бақыт-Испан» МЧБ замонавий иссиқхона мажмуаси барпо этилмоқда. Майдони 5 гектарлик мажмуада 60 одам иш билан таъминланади. 2019 йил август ойида қурилиши бошланган мажмуа жорий йилда фойдаланишга топширилади.

Туманда биринчилардан бўлиб иш бошлаган «Бекет Тынысбаев» МЧБда 12 одам ишлайди ва йилига икки марта ҳосил олинмоқда.

Биринчи мавсумда помидор экилса, иккинчисида бодринг етиштирилади. Хўжалик соҳибаси Амина Сиздиқованинг айтишича, бир йил мобайнида 70 тонна маҳсулот олинди, асосан Шимкент бозорларида сотилган.

Байдибек туманида бугунги кунда 2539та хўжалик фаолият юритмоқда. 539129 гектар майдонда 8 ой давомида 17 млрд. 333,5 млн. тенгелик маҳсулот етиштирилди.

Вилоят минтақавий
коммуникациялар хизмати.

Ўтрор туманида жорий йил 6та иншоотда ободонлаштириш ишлари олиб борилмоқда. Чунончи, Ўтрор тумани, Шаулдер овули, У. Арғинбеков кўчасидаги 1,9 қақирим йўл ҳамда шу кўчадаги (Шаулдер-Арслонбоб авто йўли) 1,77 қақирим ораликда ободонлаштириш ва кўкаламзорлаштириш ишлари олиб борилмоқда. Чунончи велойўл қурилмоқда, соябонлар, тунги чироқлар ўрнатилиб, атроф тўсиқлар билан ўралмоқда.

Шунингдек, Шаулдер овули, Буюк Ипак йўли кўчаси бўйидаги «Буюк боболар истироҳат боғи» иншооти ҳамда «Қасирет мемориали» хиёбони тубдан таъмирланиб, гранит тахтачалар ўрнатилмоқда. Ипак йўли кўчасини ободонлаштиришнинг келгуси босқичида сўғориш тизими, автотураржой, пиёдалар йўлакларини ўрнатиш ишлари йил охиригача тизимли равишда олиб борилди.

Вилоят минтақавий
коммуникациялар хизмати.

ОБОДОНЛАШТИРИШ ИШЛАРИ АВЖИДА



ЁШ ТАДБИРКОРЛАР САФИ КЕНГАЙМОҚДА



Озодлик қишлоғининг турғуни Икром Аббор-жон 2019 йили “Ёш тадбиркор” дастури доирасида тадбиркорлик мактабида бир ой ўқиб, 505 000 тенге миқдоридаги қайтарилмайдиган грант олган. Унга автомашиналарнинг электр тармоғини таъмирлайдиган марказ очиб, бир кунда 10та машинага хизмат кўрсатмоқда. Ойига ўрта ҳисобда 200-250 минг тенге фойда топмоқда. Марказда уч одам иш билан таъминланган.

Жорий йил “Натижали бандлик ҳамда оммавий тадбиркорликни ривожлантириш”нинг 2017-2021 йилларга мўлжалланган дастури доирасида туман бўйича 127 фуқаро 555 600 тенгелик беғараз грантга эга бўлди. Уларда 79 нафари маблағни чорвачиликка йўналтирилса, 38 фуқаро томорқада томчилатиб суғориш технологиясини жорий қилишни режалаштирган. Шунингдек, давлат грантига эга бўлган 10 нафар фуқаро тикувчилик цехи, сартарошхона, қандолатчилик цехи, уқалаш салонлари ва автомобиль таъмирлаш марказларини очиш учун сарфлайди.

Вилоят минтақавий
коммуникациялар хизмати.

МУҲТОЖЛАРГА ҒАМХЎРЛИК – УЛКАН САВОБ

Тўлебий туманида “BizBirgemiz” акцияси доирасида тадбиркорлар кам таъминланган ҳамда кўп болали оилаларга 120 қоп ун тарқатди.

– Шундай қийин даврда ҳамюртларимизга ёрдам беришни фуқаролик бурчим, деб биламан. Шу сабабли, ушбу хайрли тадбирга ўз ҳиссамни қўшяпман. Энг муҳими, элимиз омон, юртимиз тинч бўлиб, бошимизга тушган ушбу синовларни бир-галликда енгиб ўтамыз, деган ниятдаман, – дейди тадбиркор С. Аристанбекова.

Умуман олганда, Тўлебий туманида ҳозирги кунгача ҳомийлар ҳисобидан кам таъминланган оилаларга 5 миллион тенгедан зиёд молиявий кўмак кўрсатилди.

ЕР ОСТИ БОЙЛИКЛАРИ ЭГАСИЗ ЭМАС!

Бугунги кунда ўз фойдасини ўйланганлар давлат муҳофазасига олинган ер ости бойликлари ва турли табиий захиралардан ноқонуний фойдаланишмоқда.

Туркистон вилояти Сайрам туман полиция бошқармасининг ходимлари ер ости бойлигидан ноқонуний фойдаланётган шахсларни аниқлади.

Сайрам туман полиция бўлимига “Сув инспекцияси” ИЧШдан Ақсуқент қишлоғига қарашли Ақсу ўзани бўйида номаълум шахслар шағал қазигаётганини айтишди. Табиат жонқуярларининг хабарига кўра, тезкор-тергов гуруҳи воқеа ўрнига етиб келди. Маҳаллий икки фуқаро “Хюндай” русумли трактор ва “Камаз” юк машиналари билан ҳеч қандай ҳужжатсиз ноқонуний равишда шағал қазигаётгани аниқланди. Қурилиш учун зарур маҳсулотни сотиб олишни эп кўрмаган уддабурролар мана шундай йўл билан табиатга зарар келтиришган. Энди улар бу иш учун қонун олдида жавоб беришади.

Бундай шахслар тарозининг бир палласида ўзининг ноқонуний ҳаракати ва шахсий манфаати турса, иккинчи палласида бутун элнинг манфаати турганини тушунишлари лозим.

“Жанубий Қозоғистон”
мухбири.

Тулкибош туманида жами 60 мактаб бор. Жумладан унинг 46таси ўрта, 9таси бошланғич таълим муассасалари ва биттаси уч тилда ўқитиладиган иқтидорли болаларга мўлжалланган мактаб-интернат.

Туманда аҳоли сонининг кўпайиши муносабати билан 6та аҳоли манзилидаги таълим муассасаларида кўшимча бинолар бўй кўтармоқда. Жумладан, Тулкибошдаги Шевцов номли мактабнинг эски иморати тубдан таъмирланиб, 150 нафар ўқувчига мўлжалланган кўшимча бино қурилиши жадал олиб

МАКТАБЛАРДА ҚУРИЛИШ ИШЛАРИ АВЖИДА

борилмоқда. Шунингдек, туман ҳудудидаги бошқа мактаблар қошида ҳам кўшимча иморат қурилмоқда.

Жорий йил май ойида бошланган учта таълим муассасаларининг яъни, А. Байтурсинов, Г. Титов ва М. Ломоносов номли мактабларнинг таъмир ишлари 100 фоиз бажарилди. Ҳар мактабнинг ички ва ташқи пардозлаш ишлари

билан бирга электр ва сигнализация тизими тўлиқ янгиланган. Шу билан бирга, М. Ломоносов номли мактаб гимназиянинг оқава ва вентиляция тизими янгиланса, Г. Титов номли мактабга янги иситиш тизими ўрнатилди.

Туркистон
вилоятининг минтақавий
коммуникациялар хизмати.

“АҚЛЛИ” МОЛ БЎРДОҚИЛАШ МАЙДОНИ

Келес туманига қарашли Амангелди аҳоли манзилида “ақлли” мол бўрдоқилаш майдони ишга туширилди. Қурилиши 2 йил давом этган иншоотнинг умумий майдони ярим гектар. 300 бош қорамолга мўлжалланган хўжаликка Петропавл шаҳридан 32 бош “ангус” келтирилган. Бу ерда барча ишни робот бажаради. Чорвачилик билан шуғулланадиган Даурен Алимбаев қўлдан буён шундай технологиядан фойдаланишни орзу қилиб юрарди.



– Дастлаб, ишни ҳаваскор сифатида бошлаган эдим, кейин мутахассислардан маслаҳатлар олдим. Тўғри, соҳани мукамал билмаганим учун бироз муаммоларга дуч келдим. Туман ҳокимининг қабулида бўлиб, ҳужжатлаштириш, субсидиялаш бўйича ёрдам сўрадим, – дейди тадбиркор.

Роботлаштирилган мол бўрдоқилаш майдонида бир одам ишлайди. Ишнинг асосий қисмини Россиядан олиб келинган “ахлат тозалаш” ускунаси бажаради. Тадбиркор бизнесини янада кенгайтириш мақсадида давлатдан имтиёзли насия олиш ниятида. У қорамолдан ташқари, йилқи, қўй бўрдоқилаш, сутни қайта ишлаш цехи қуришни мақсад қилган.

Вилоят ҳокимининг
матбуот хизмати.

ЧОРВАСИ МЎЛНИНГ БАРАКАСИ МЎЛ



Тўлебий туманида «Ырыс» микронасия ташкилоти орқали ўз ишини очиб ёки ривожлантириб келаётган тадбиркорлар сафи йилдан йилга кенгаймоқда. Улардан бири – чорвадор-тадбиркор М. Ўспанов ўтган йили ушбу микронасиялаш ташкилотидан 3 млн. тенге олиб, фермасидаги бўрдоқиланаётган қорамол сонини 50дан оширди.

Зертас қишлоғида қорамол бўрдоқилаётган яна бир тадбиркор Т. Заитовнинг оилавий фермасида зотдор молларнинг вазни бир кеча-кундузда 700-800 граммга ортмоқда.

– Чорвачилик – сермахсул ва сердаромад соҳа. Шунинг учун давлатимиз уни ривожлантиришга катта эътибор қаратмоқда. Туманимизда етиштирилаётган сут, гўшт маҳсулотлари аҳолининг эҳтиёжини қондириш, меҳнаткашлар даромадини ошириш ва янги иш ўринлари ташкил этиш имконини бермоқда. Хусусан, шахсий ёрдамчи, деҳқон ва фермер хўжаликларига чорва моллари сонини кўпайтиришни рағбатлантириш натижасида соҳа ривожига ижобий силжишларга эришилмоқда, – деди туман ҳокими ўринбосари С. Дуйсебаев мухбиримиз билан суҳбатда. – Шунинг таъкидлаш жоизки, фақатгина чорвачилик эмас, паррандачилик, балиқчилик ва асаларичиликни ҳам бир маромда ривожлантиришга эътибор қаратилаётганлиги фаровонлик омили бўлмоқда. «Ырыс» микронасия ташкилоти орқали туманда қиймати 143,0 млн. тенге бўлган 45 лойиҳа амалга тат-

биқ этилди.

Қишлоқ хўжалик техникаси харид қилиш учун ҚР Индустрия ва инфратузилмавий тараққиёт вазирлиги қарорига кўра деҳқонларга «БРК-Лизинг» ҲЖ 7 фоиз устама ҳақ билан (15 фоиз дастлабки бадал тўланади) 7 йилга лизинг бермоқда. Шу мақсадда 2018 йили республика бюджетидан 3 млрд. тенге ажратилган бўлса, 2019 йили 3,5 млрд. тенге, жорий йилда 6,5 млрд. тенге ажратилди. 2021-2025 йилларда кўшимча 13,5 млрд. тенге ажратиш режаланмоқда.

Шуни ҳам таъкидлаш жоиз, жорий йилнинг 8 ойида мамлакатимиз корхоналарида 20,3 млрд. тенгеге 1118та трактор ва 34,7 млрд. тенгеге 736та комбайн ишлаб чиқарилган.

«Сыбаға» давлат дастури доирасида ҳам қорамол наслини яхшилашга асосий эътибор қаратилмоқда. Туманда чорвачиликни янада ривожлантириш, аҳолини сифатли ва арзон маҳсулотлар билан таъминлаш мақсадида ҳар бир ҳудуднинг географик жойлашуви асосида асаларичилик, балиқчилик, паррандачилик, йилқичилик каби тармоқларни кенгайтириш борасида изчил ислохотлар амалга оширилмоқда.

«Жанубий Қозоғистон»
мухбири.

РАИСЛАР РҲҲАТДАН ҲТДИ

PRIMARIES
NUR OTAN PARTIYASI IШНАДЕТ САЙЛАУ
2020

Ҳтган ҳафтада Элбоши, партия Раиси Нурсултан Назарбаев “Праимериз” ахборот тизимида рҲҲатдан Ҳтган эди. Бу ушбу сиёсий жараённинг Ҳта муҳимлигини билдиради. Бугунги кунда партия раҳбарининг топшириғи билан минтақаларда сиёсий беллашуви очиқ ва адолатли Ҳтказиш йўналишида тадбирлар амалга оширилмоқда. Баҳслар қизғин тус олган.

Яқинда Туркистон вилояти ҳоқими, партия филиали раиси Ҳ. Шўкеев “Праимериз” ахборот тизимида рҲҲатдан Ҳтганини маълум қилди. “Кучли етакчилар – кучли партия” қондаси бўйича Ҳтаётган жараёнда жамиятдаги турли ижтимоий гуруҳларни қамраб олиш кўзда тутилган. Бу ташаббус орқали партия аъзолари билан бирга жамият ҳаётига лоқайд бўлмаган, иқтидорли, креатив фуқаролар сараланиб чиқишига ишонаман, деди минтақа раҳбари. Шунингдек, Туркистон вилоятидаги 16та туман, шаҳардаги партия филиалларининг раислари ҳам “Праимериз” ижтимоий тизимида рҲҲатдан Ҳтдилар.

Туркистон вилоятида Nur Otan партиясининг 80 мингдан зиёд аъзоси бор. Унинг 70 минг нафари онлайн, 10 минг нафари аънавий усулда овоз бериши режалаштирилган.

Партиянинг Туркистон вилояти ҳамда туман, шаҳарларидаги филиаллари ушбу фуқароларнинг маълумотларини тўплаб, “Праимериз” ахборот тизимида киритмоқда. Улар 1-3 октябрь оралиғида праимериз иштирокчилари орасидан Ҳзлари танлаган номзодларга овоз беради.

Вилоят ҳоқимининг матбуот хизмати.

Сайрам туманидаги Қорабулоқ қишлоғи Маданият уйида Nur Otan партияси праимеризига иштирок этаётган номзодларнинг фуқаролар билан учрашуви Ҳтди. Унда “Жанубий Қозоғистон” газетаси Директор-бош муҳаррири А. Сотволдиев, “НИК” корпорацияси президенти Б. Нишонқулов, “Сихым-Олжас” МЧБ директори С. Сағиндиқов, “Дента Нур” тиббиёт маркази директори М. Есалиев, “Elnur TV” телеканали директори Ф. Файзуллаев, “Қайып ата” МЧБ директори С. Ертаев, “ЦветЛит” МЧБ бош директори Б. Айтқулов ҳамда “Халық банк” ҲЖ Сайрам туман филиалининг Қорабулоқ бўлими раҳбари Р. Балқибеков иштирок этдилар.

Тадбирда Сайрам тумани ҳоқими, Nur Otan партияси туман филиалининг раиси Ҳ. Садибеков сўзга чиқиб, жорий йилги праимеризга туман бўйича жами 76 нафар фуқаро қатнашаётганини таъкидлади. Бундан кўзланган асосий мақсад – депутатликка номзодларнинг партиявий рҲҲатини рақобатбардошлик ҳамда асосли равишда аниқлаш эканини таъкидлади ва барча иштирокчиларга муваффақият тилади.

Шундан сўнг номзодлар сайловолди дастури ва режалари билан кўпчиликти таништирдилар.

“Жанубий Қозоғистон” газетаси директор-бош муҳаррири А. Сотволдиев келгусида вилоят, туман аҳолиси ора-

ҚОРАБУЛОҚДА ПРАЙМЕРИЗ ИШТИРОКЧИЛАРИ БАҲСИ ҲТДИ



сида этнослараро дўстлик ва ҳамжиҳатликни тарғиб қилиб, ёшларда ватанпарварлик хусусиятларини шакллантириш, оила институтини ривожлантириб, сифатли ва заковатли авлод тарбиялаш бўйича чора-тадбирлар уюштириш, бугунги дунёвийлашув жараёнида йўқолиб бораётган “Каттага ҳурмат, кичикка иззат” каби имон тарбияси асосларини ёшлар онгига сингдириш, “Оқсоқоллар институти”, “Оталар мактаби” каби алоҳида жамоат тузилмалари фаолиятини қайта жонлантириш йўналишида мунтазам иш юритиш, миллий-урф-одатларимизни тарғиб қилиб, минтақанинг сайёҳлик салоҳиятини ривожлантириш, инфратузилмасини такомиллаштириш-

да фаол иштирок этажани маълум қилди.

“Сайловга тушишдан мақсадим, – деди у, – ҳозирги кунда ёшларга кўрсатилаётган эътибор ва ғамхўрликка жавобан жамиятда содир бўлаётган ижобий ўзгаришларда фаол иштирок этиш, энг муҳими – эл равнақи йўлида хolis хизмат қилиш...”

Тадбир якунида баҳс-мунозара иштирокчилари учрашувга келган фуқароларнинг саволларига жавоб беришди.

З. МҲМИНЖОНОВ.

Суратда: Тадбирдан лавҳа.

С. ИСАМАТОВ суратлари.

100 ОИЛА ИШ БИЛАН ТАЪМИНЛНАДИ



Шаҳар ҳоқимининг топшириғига кўра, мегополис ҳудудини ободонлаштириш ва кўкаламзорлаштириш мақсадида иссиқхона мажмуасида бир йиллик ҳамда кўп йиллик гул кўчатларини етиштиришга эътибор қаратилмоқда. “Асар” кичик туманида Ҳтган йиғинда ҳам соҳани ривожлантириш масалалари муҳокама қилинди. Унга шаҳар ҳоқими ўринбосари А. Саттибаев, қишлоқ хўжалиғи ва ветеринария бошқармаси раҳбари А. Қанибеков, “Жасыл Жер” МЧБ директори Б. Байсақалов, “ЛТД Тўрмыс” МЧБ директори Ф. Садибеков ҳамда “Asar Agro” ширкатининг раҳбари С. Тастанов иштирок этди. Таҳлил ишларига кўра, бугунги кунда Шимкентда шаҳарни кўкаламзорлаштириш мақсадида жами 1,6 млн.та гул кераклиғи аниқланди. Йиғинда бир йиллик ва кўп йиллик гул кўчатларини етиштириш ҳамда лойиҳани молиялаштириш учун “Asar Agro” ширкати, “Жасыл Жер” МЧБ ва “ЛТД Тўрмыс” МЧБ вакиллари ҳамкорлик меморандуми имзоланди. Лойиҳа доирасида агрошаҳарча ҳисобланадиган “Асар” кичик туманидан 100 оила иш билан таъминланди.

ОЗОДАЛИКДА ФАЙЗ-БАРАКА БОР

Ҳозирги кунда Шимкент шаҳар ҳудудида 490та чиқиндиҳона ва 2039та ахлат қутиси бор. Уларнинг кўпи анча эскириб, фойдаланишга яроқсиз аҳволда. Мазкур муаммони барта-раф этиш мақсадида шаҳар ҳоқими Мурат Айтенов ахлат контейнерларини давлат-хусусий ҳамкорлиги доирасида янгилаш вазифасини топширган эди. Ижтимоий ҳамкорлик лойиҳалари доирасида шаҳарда кўп қаватли уй ҳудудида ахлат ташлайдиган янги металл қутилари ўрнатилмоқда. Жорий йилда жами 1376та контейнер харид қилинади. Ҳозир уларнинг 376таси сотиб олиниб, 240таси ўрнатилди. Бу ишлар қаттиқ маиший ахлатларни қайта ишлаш ва атроф-муҳит



экологик тозаллигини сақлашда муҳим аҳамият касб этади. Янги контейнерларнинг махсус қопқоқлари энгил қолдиқларнинг шамолда учиб, ҳар томонга сочилишидан сақлайди.

Бу борада шаҳар аҳолисига хизмат кўрсатадиган “Ikotek” тезкор хизмат кўрсатиш маркази очилган. Марказ мутахас-

сислари узлуксиз “109” рақами орқали шаҳар аҳолисидан тушган кўнғироқларни қабул қилишади. Бир ой мобайнида ушбу телефон рақамига 14 мингга яқин кўнғироқ қилинган, уларнинг 96 фоизи қаноатлантирилди.

“Жанубий Қозоғистон” муҳбири.

ҚҲЧҚОР ОТА – НУРАФШОН МАНЗИЛГА АЙЛНАДИ

...Шу кунларда Қўчқор ота дарёси бўйида олиб борилаётган бунёдкорлик ишларини кўриб, қалбингизда фахр ҳамда ифтихор туйғулари жўш уради. Зеро, бундан уч йил аввал Элбошимизнинг ғояси, ташаббуси билан мегаполисга айланган шаҳардаги кенг қамровли қурилиш ишлари халқимиз ақл-заковати, бунёдкорлик салоҳиятининг чинакам намунасиدير.

Шаҳарда шанбаликлар уюштирилиб, 30 турдаги 50 минг тупдан зиёд кўчат Ҳтказилди. Кўпчилиги хорихдан келтирилган каштан, эман, қора қарағай каби ноёб дарахт ҳамда буталардир. Улар нафақат кўркамлиги, балки Ҳзидан кўп миқдорда кислород ажратиб чиқариши билан ҳам аҳамиятлидир.

Бинобарин, инсон хайрли ишлар қилиш фикри билан яшамоғи, она-юртнинг бугуни, эртаси, келажак учун Ҳзини масъул, ҳис этмоғи зарур. Шунинг учун шаҳарда “Туғилган ер” дастури доирасида ҳам кўплаб маданий-ижтимоий иншоотлар барпо этилмоқда.

Қўчқор ота дарёси бўйидаги қурилишларнинг барчаси шаҳар ҳоқимининг назоратида. Ҳар куни бу ерга дам олгани юзлаб кишилар келишади. Айниқса, кўёш ётоғига ботиб, намозшом сепини ёйганида, бу ердаги манзарани томоша қилиш мароқли. Ранг-баранг чироқлар ёғдусида маскан чинакам сайилгоҳга айланади. Йўлақлар бўйлаб борар экансиз, эмин-эркин юрган ҳамюртларимизни кўрасиз. Бунёдкор халқимиз ақл-заковати таҳсин айтасиз. Тинчлик ва фаровонлик омили саналган Мустақиллигимиз абадий бўлсин, деган эзгу тилакни юракка жо айлайсиз.

Асанбай Асқаров номидаги Шимкент давлат дендрология хиёбони ДҚХКнинг “Қўчқор ота” участкасида кузги санитария тозаллик ишларида ҳам ўнлаб ишчилар қатнашмоқда.

Ҳозирги кунда карантин тартиби туфайли бу ерга келувчилар санитария меъёрларига қатъий риоя қилишмоқда.

“Жанубий Қозоғистон” муҳбири.



Nur Otan партияси праймеризига Туркистон шаҳридан номзод Зайниддинова Дилрабо Асадулла қизи

Таржимаи ҳоли

Зайниддинова Дилрабо Асадулла қизи 1978 йили 24 июлда Туркистон шаҳрида зиялилар оиласида туғилган. 2000 йили Элбошимиз Н. Назарбаев ташаббуси билан Туркистонда очилган А. Яссаевий номидаги Халқаро қоқоқ-турк университетида олий таълим олди. Шарқшунослик факультетини «Диншунослик ва араб тили ўқитувчиси» ҳамда 2005 йили Шимкент университети «Қоқоқ тили ва адабиёти» фани ўқитувчиси ихтисослиги бўйича тамомлаган. Меҳнат фаолиятини ўзи тахсил олган кўҳна даргоҳ – Ҳамза номли 2-сонли мактабда қоқоқ тили ва адабиёти фани ўқитувчилигидан бошлади. 2012 йили мактаб директорининг тарбия ишлари бўйича уринбосари хизматида тайинланди ва бугунги кунгача шу лавозимда меҳнат қилиб келмоқда. Самарали меҳнати эвазига шаҳар, вилоят Nur Otan партияси, таълим ва фан вазирлиги ташақкурномалари, Қозоғистон Халқи Ассамблеясининг «Ёшларга ватанпарварлик руҳида тарбия бергани учун» кўкрак нишони билан тақдирланган. Ўқувчилар орасида тарбия бўйича ўтказилган шаҳар, вилоят танловлари ғолибларини тайёрлаб, мактаб, шаҳар нуфузини юксалтиргани учун кўп марта мукофотланган.

Сайловолди дастури

Замонавий устоз сифатида дастурининг асоси сифатли таълим-тарбия, кадрдон Туркистоннинг маънавий-ижтимоий тараққиёти, инфратузилма равнақи бағишланган. Туркистонда ёш авлодининг мукамал билан олиши, масофадан ўқитишни сифатли амалга ошириш, ўқув давомида ижтимоий харитага киритилган ўқувчиларни қўллаш учун барча зарур эҳтиёжлар, жиҳоз-

Эгамен элимиз, табаррук шаҳримиз равнақи учун кенг қамровли тинимсиз меҳнат – асосий шиорим.



лар билан тўлиқ таъминланишига маҳаллий бюджетдан маблағ ажратилишига эришиш. Мактаб ва олий ўқув даргоҳлари ўқитувчиларининг нуфузини орттириш. Ижтимоий чекланган шахсларнинг мукамал билим олишига шароит яратиш, тарбия тизимини такомиллаштириш орқали ёшлар орасида турли иллатларнинг олдини олиш, ишсизликни камайтириш учун олий ва ўрта махсус ўқув даргоҳлари битирувчилари ҳамда ишсизларнинг муқим иш билан таъминланишига қўллов кўрсатиш. Ёшлар орасида соғлом турмуш тарзини фаол тарғиб этиб, оммавий спорт билан шуғулланиш учун тўғарақларни кўпайтириш, халқаро даражадаги мусобақалар ғолибларини тайёрлашга интилиш. Шаҳар жамоат транспорти ва йўлқари баҳосини назорат қилиш, кам таъминланган оилалар фарзандлари ва талабаларга 50 фоизлик имтиёз яратиш, мактаб ўқувчиларининг бепул юришини таъминлаш. Шаҳарнинг экологик аҳолини яхшилаш, тозаланиш сақлаш, маънавий пойтахтимиз Туркистон шаҳрини сайёҳлик маркази, хавфсиз шаҳарга айлантиришга бағишланган лойиҳаларнинг ҳаётга жадал татбиқ этилишига ҳисса қўйиш.



Таржимаи ҳолим

Мен, Дўсметов Тоҳир Ҳасан ўғли 1982 йил 29 июнда Жанубий Қозоғистон вилояти, Тўлебий тумани, Кўксаёқ қишлоғида туғилганман. Оилали, уч қизнинг отасиман. 1999 йили М. Ауэзов номидаги ЖҚДУга «Жисмоний тарбия маданияти ва спорт» ихтисослиги бўйича ўқишга кириб, таълим олиш баробарида Қорамурт қишлоғида Гимназия-мактабда жисмоний тарбиядан дарс бера бошладим. 2005 йили ўқув жараёнида янги технологияларни қўллаш борасидаги ютуқларим инобатга олиниб, 1-сонли мактаб-гимназиянинг тарбиявий ишлар бўйича директор уринбосари этиб тайинландим. 2015 йил май ойидан бошлаб мактаб директори лавозимига тайинландим. Олий тоифали педагог сифатида қатор дипломлар, Ташақкурномалар, нишонлар билан тақдирланганман. Республика «Билим чўққиси – илм-фан сирини» таҳририяти (Таълим ва фан вазирлиги) махсус комиссиясининг 2015 йил 26 декабрдаги қарори билан «Эъзозли мактаб

Nur Otan партияси праймеризига Сайрам туманидан номзод Дўсметов Тоҳир Ҳасан ўғли

директори» кўкрак нишони, ҚР ЖҚВ вилояти «Qirmet-AB» ЖБнининг «Таълим ишининг илғори» медали билан тақдирланганман.
Бундан ташқари, Nur Otan партияси, ҚР Таълим ва фан вазирлигининг Ташақкурномалари, «Мустақилликка 25 йил» медали соҳибиман.

Ҳурматли ҳамюртлар!

Она юртимнинг тарихи ва халқимнинг бошидан ўтган қийин давралари яхши биламан. Олий ўқув юртини битириб, таълим соҳасига ишга жойлашганимдан буён минтақани ривожлантириш йўлидаги турли тадбирларда, айниқса, аҳолининг билим даражасини ошириш, соҳани тараққий эттиришда фаол қатнашиб келаман. Бу йўналишдаги ютуқларимдан кўпчили хабардор. ҚР Президентининг жорий йилги маҳаллий маслаҳатларга депутатларни саралаш ҳақидаги Фармони чиққандан буён туман маслаҳати депутати бўлишга бел боғладим.
Минтақа тараққиётига оид барча масалалар туман маслаҳати депутатлари орқали ҳал этиб келинмоқда. Қишлоқда ҳам ижросини кутаётган муаммолар бисёр.
Шунинг учун сайловчиларнинг ишончига кириб, депутат мақомига эга бўлсам, Қорамурт қишлоғида қуйидаги долзарб масалаларни ижобий ҳал қилишга киришаман:
1. Қорамурт қишлоғида мева-сабзавотни қайта ишлаш цехи фаолиятини тиклашни аҳоли таклифларини инобатга олиб, амалга ошириш;



Сайловолди дастури

● Давлат ва маҳаллий ижроия органлари билан давлат дастурларининг амалга татбиқ этилишини назорат қилиш.
● Нафақадорлар, ногиронлар, кўп фарзандли оилалар, бевалар, эҳтиёжманд фуқароларни ижтимоий қўллаб-қувватлашни кучайтириш.
● Жамиятимизнинг асосий бойлиги – инсон ва унинг саломатлиги. Пандемия офатига қарши чора сифатида 200 ўринли касалхона қуриб, зарур жиҳозлар билан таъминлаш.
● Ижтимоий чекланганларнинг жамоат, ижтимоий жойларда эркин ҳаракатини таъминлаш.
● Шаҳарда йўловчи ташиш хизмати сифатини яхшилаш, кўп фарзандли оналар ва талабаларга 50 фоизли имтиёз бериш, мактаб ўқувчиларини бепул ташишни таъминлаш.
● Туркистонни хавфсиз шаҳарга айлантириш мақсадида барча мактаб, шифохона, спорт муассасалари ва ташкилотларини видео назорат ускуналари билан таъмин-

Туркистонга фаол хизмат қилиш – муқаддас фарзандлик бурчим.

Nur Otan партияси праймеризига Туркистон шаҳридан номзод Аюпов Дониёр Мадихон ўғли

Таржимаи ҳоли

Аюпов Дониёр Мадихон ўғли кўҳна Туркистон шаҳрида 1984 йили 7 ноябрда ишчи оиласида таваллуд топган. Маълумоти олий. Бир неча йил молия, қурилиш соҳаларида ишлаган. Туркистоннинг фидойиси сифатида кадрдон шахрини юксак эъзозлайди.

лаб, шаҳар полиция бошқармаси назоратида ўтказиш.

● Шаҳарда полиция бекатларини кўпайтириш. Турли этнос вакилларининг тинч-тотув ва ҳамжиҳатликда ҳаёт кечирishi учун зарур тадбирлар ташкил этиш.
● Nur Otan партияси, нуфузли ташкилотлар ва шаҳар ҳокимлигининг жадал гуруҳини тузиб, шаҳардаги қурилиш битмай қолган иншоотлар, кўп қаватли уйлар таъминоти, иситиш тизимини назорат қилиш.
● Ишсизликни камайтириш учун тадбиркорлар ҳамда «Аҳоли бандлиги» маркази ҳамкорлигини кучайтириш. Олий ва ўрта махсус ўқув даргоҳлари битирувчиларини иш билан таъминлаш.
● Туризмни ривожлантириш, зарур мутахассислар тайёрлаш, зиёратчилар ва ижтимоий чекланганларни бепул ҳолатда билан таъминлаш. Жамоат жойлариди автотурағоҳ мавжудлигини назорат қилиш.
● Шаҳар ободончилиги ва тозаллигини сақлаш мақсадида оғир юк транспортлари юрадиган кўчаларни белгилаб, уларнинг шаҳар ичкарасига кирмаслигини таъминлаш.

ХАЛҚАРО ТИНЧЛИК КУНИ НИШОНЛАНДИ

Ушбу сана муносабати билан Тўлебий тумани мактабларида маданий-маърифий тадбирлар ташкил этилди. Хусусан, Ленгер шаҳридаги 5-сонли мактаб-гимназияда «Тинчлик – фаровонлик» мавзuida ўтказилган маърифий тадбир, спорт мусобақалари ёшларни бир мақсад йўлида бирлаштирди.
Тадбирда сўзга чиққанлар тинчликнинг инсон учун аҳамияти, уни кўз қорачигидек асраш зарурлиги, осойишталик бўлсагина ҳаёт фаровон бўлиши, ёшларни тинчлик-севарлик руҳида тарбиялаш муҳимлигини алоҳида таъкидладилар.
– Халқаро тинчлик куни 1981 йилда БМТ Бош Ассамблеяси томонидан жорий этилган. 39 йил муқаддам қабул қилинган резолюцияда дастлаб мазкур сана сентябрь ойининг учинчи сешанбасида нишонланиши белгиланган эди. 2001 йилда БМТ яна бир резолюция қабул қилиб, мазкур сана 21 сентябрда нишонланишини эълон қилди. Ҳар йили шу куни БМТ бош қароргоҳидаги 1954 йилда Япония томонидан совға қилинган «Тинчлик бонги» чалинади. 116 кг. оғирликдаги кўнгирак БМТга Исроил томонидан ҳада қилинган тош пойдеворга мустаҳкамланган, – деди тарих ўқитувчиси Т. Шарипова. – Юртимиздаги тинчлик ва осойишталик, меҳр-оқибат, ўзаро ҳурмат, этнослараро тотувликини кўз қорачигидек асраш барчамизнинг фуқаролик бурчимиз. Бугунги тадбир ёшлар онгида ана шундай туйғуларни мустаҳкамлашга қаратилгани билан ҳам аҳамиятлидир.

«Жанубий Қозоғистон» мухбири.

